

مستطابق

درسمادنده باب عالی جاده سنده
اداره مخصوصه
محل اداره :

اعظم :
مسکمزده موافق آثار جدید مع المنویه
قبول اولنور
درج ابدلین آثار احاده اولغاز

دین ، فلسفه ، ادبیات ، حقوق و علوم دن باحث هفته لق رساله در

مؤسسلری : ابوالعلا زین العابدین - ح . اشرف ادیب

سنه لکی	القی آیانی	درسمادنده
۶۰	۳۰	ولایاتده
۸۰	۴۰	مملک اجنبیه ده
۸۰	۴۰	

تاریخ تاسیسی :
۱۱ نمرز ۳۲۴

درسمادنده نسخیه ۵۰ پاره در

قیرلهدن مقوا بودو ابله کوندربایرسه سنوی
۲۰ غروش فضله آلنیر

درسمادنده پوسته ابله کوندربایرسه ولایاتبدلی اخذاولنور

عدد : ۲۸

۱۱ صفر ۳۲۷ پنجشنبه ۱۹ شباط ۳۲۴

ایکنجی جلد

صفوت نزیهی بک

رسمی کتابک صوک نسخہ سندہ کی (ایضاح واستیضاح) ک برقارہ
تأسفخوانی دہ ہم .. محرر صفوت نزیهی بکی دوراستبداد صحایف
جرائدینک دلالت یکرورہ سیلہ غیاباً بیلیم .

صفوت نزیهی بک خامہ روسیاهنک برقاچ داملہ مرکبیلہ شمس الدین
بک کی بر وجود عقیقہ ناصیہ حیثیتہ لکہ سوزمک ایستور ...
بوحرکتی یردن آسمانہ چرک استحقار اتمہ بکڑہ تیرم کہ محرر ،
اومرئی حقارتک هدف لایقنی ینہ کنڈینک سمت راستندہ آرامیلیدر .
صفوت نزیهی بک اثرندہ شمس الدین بک افندینک مبعوثان مات
حضورندہ عربجہ سویلمسنی سررشتہ تہزیل اتخاذ ایدرک — اندہ کی
ایلیک اشکال کونا کون ویرن شعبہ باز لری — تحفلق ایتک . رسمی
کتاب قارلرینی کولیدیرمک ایستور .

نزیهی بک بیلیدرکہ استخفاف ایتک ایستدیکی آدم کنڈیسی
کی شون روزمرہ یازار بر محرردکلدر . بو عثمانی حکومت فلک تزدہ سنی
برقاچ اجنبی دولت معظمہ سنہ قارشی نفس مہیندہ تمثیل ایتش بر
سفیر عقیقہ . نزیهی بک صورارم :

بر مضحکہ نویس چیقسدہ برحقہ باز ماہر طوریلہ خامہ بیانی
صفوت نزیهی بک میان ماہیتہ طاہرق کنڈیسی ملتک پردہ تماشایی
فوقہ چیقاروب برقوقلہ قیافتیلہ اویناسہ نمون اولورمی ؟

یاخود بر محرر مزاح پرور ظہور ایتسدہ افکار منورہ
مستہزیانہ سنی بر قندیل کی نزیهی بک سیای هویتک بالای انفہ
طاہرق کنڈیسی خلقتک انظار خدا خندی اوکندہ دولاشدیرسہ
رضا کوستریری ؟

شمس الدین بک دوراستبدادہ طهران سفیر عثمانیسی ایکن ایران
(پارلامان) نہ عائد رسم تحایفدہ حاضر بولنسی لازم کلشدی .
ایشته شمس الدین بک دیوارلرینک ہر حجر پارہ سی قدید اولمش
برقفا طاسنی ، قبولرینک ہرستون سفیدی قوللرینی آچمش برشہید
اسکلتنی تصویر ایدن ییلدیز سرای ہائلنک ایجابات موجودہ سی کی
تعذیبات محتماہ سنی دہ اوزمان نظر کریہ بارحیتی اوکندہ بر طرف
ایدرک اورسم تحلیفہ مردانہ شتاب ایتدی .
صفوت نزیهی بک افندی ،

ایرانندہ کی موقعی ، استانبولندہ کی عائلہ سنی تہاکہ زوالہ معروض
قیلہرق شمس الدین بک تحلیف رسمندہ اثبات وجود ایدرکن منز
ظن ایدرسہم اوزمانکی اقدام ویاصباحک مکس ماتم ملت اولان
قرہ ستونلرینہ قلمکزی بوقومک جہۃ جریحہ دار مقدراتنہ باتیرہ
باتیرہ سلاملق رسم عالیلری یازیوردیکز .

ہمدہ طلیعہ تشریفاتک صاری صرمہلری ، یاقوت نشانلریلہ
استقبال ملتک شیمشکر ، ییلدیرملرہ طولو بر مغرب ماتمناکنہ
بکڑہین اوآلای نہ جہروت آمیز کملرلہ یازیوردیکز! بوجایت وجدانیہ

مبتنیہ حقیقہ ایلہ ، برچوق قوانین لایتغیرہ عالیہ ایلہ ، برچوق قواعد
منطقیہ حکمت آمیز ایلہ مجبوری الاحترام وانقیاد برسد آہنن تشکیل
ایدہ رک انسانلر آرہ سندہ سعادت حقیقیہ حیاتی استحصا ایتش .
وظائف متقابلہ اجتماعیہ ہر فردہ تعلیم وتلقین ایلہ جمعیتدہ وجودی
الزم اولان اخوت ومخادتی ، اتحاد ووفاقی تأمین ایلہ مشدر ...

بناءً علیہ یوقارودن بورایہ قدر بسط وتمہید ایتدیکم مطالعاتدن
مستبان اولمشدرکہ اجتماعی بوتون بشریتک مستفید ومستفیض اولہ جنی
برحالہ کثیرہ رک سعادت انسانییہ استحصا ایتک احکام مقدسہ
شریعتک نظر اعتبارہ آلمسیلہ اولہ بیلہ جکدر .. دیمک ایستہرم کہ
علی الاطلاق آوروپا قوانینی ایلہ ادارہ امور ایدرسہک اونلرک دوچار
اولدقلری انقراض اخلاقی محققدر ، غیرقابل مقاومتدر ..

بزده شریعتک تطبیقندہ محذور کورنلری بوتردہ سہوق ایدن
شی عناصر عثمانیہ ایچندہ غیر مسلملرکدہ موجودیتدر . حالوکہ اولہ:
حکومت ، رسماً برحکومت اسلامیہدر .. ثانیاً : احکام شریعت
عناصر غیر مسلمہ نک فلاکتی دکل ، سعادتنی تأمین ایدہ جکندن ہیچ
بر شکایتہ حقلری یوقدر ؛ اگر سعادتلرینی ، رفاه واستراحتلرینی
ایستہ یورلرسہ .. وبوکا امین اولہلم کہ : اورویانک عادات اخلاقیہ سنی قبول
ایدہ جک اولورسہق بوندن الک زیادہ متضرر و فلاکتیدہ اولہ جق قادیلردر ،
چونکہ اخلاق بوزوقلنی تأثیراتی الک زیادہ اونلرک اوزرندہ اجرا ایدہ جک ،
خلقہ وشرعاً محترم ومبجل ، مکرم ومعزز اولملری لازم کلن قادیلر
بک حزین برکرداب سقوط سفلیتدہ یووارلانا جقلردر . چونکہ
ارککلر ، آمال غیر مشروعلرینی ، ہوسات چرک آلودلرینی بوزواللی
ضعیف وجودلردہ تطمین وتسویہ ایتکہ قالقیشہ جق ، بوضورتلہ
بشریتک بومقدس والہلری سفیل وذلیل ، نالان وباکی ، لوئیات
وسییات ایچندہ غلطان اولہرق قربان غدر وخیانت ، هدف ظلم
ودنائت اولہ جقلردر . بناءً علیہ اقوام مدنیہ نک دوچار اولان
بولندینی اخلاق بوزوقلغندن آنجاچ احکام شریعتی نظر اعتبارہ آلمقلہ
قورتولہ بیلہ جکمری نظر دقتہ آلہرق مدبر وبصیرتکار داورانمالی یز .
عکس تقدیردہ انقراض معنویات و اخلاقک تخریبات خدشہ انکیزی
آلتندہ زبون قہر واشکنجہ ، مستغرق آلام فلاکت ایکلہرز . ظواہر
مدنیہدہ اکتساب کمالات ایتککہ برابر حقیقندہ فرانسزلر وسائر ملل
متمندہ قادر مسعود ! اولورز .

ملتلر کنڈیلرینہ خدمات ومنافعدہ بولنق ایچین چالیشمغہ مجبور
اولدقلری کی بوتون بشریتہ . انسانیتدہ خدمت ایتککہ مکلفدرلر ..
انسانیتی قالہ آلمایان اقوام وملل بک چابوق ساحۃ موجودیتدن افول
ایدرلر . سوء اخلاقہ مبتلا اشخاص وافراد ناصل نظر انسانیت وفضائلدہ
مسؤل ومردود ایسلر اودرلو اشخاص وافرادک ہیئت مجموعہ سندن
عبارت اولان ملتدہ عینی صورتلہ انظار مدنییت وانسانیتدہ ذلیل وحقیق
اولورلر ...

درامہ ، صرح الدین عاصم

بوتون جسمانی هوساته ترجیح ایدیورلر . نه حاجت ، هیچ بریمزك هیچ بر زمان خاطرندن کچمیدیکی یوقدرکه کال آسودکی قلب او غورنده دنیانك بوتون دلفریب اذواقندن تجردی جانه منت بیلیمهلم .

الله عشقنه اولسون سویله : حیاتنك هیچ بر دمنده سنده بر فکر اویاندیمی که سنی روحکه ، روحکک معادینه ؛ عالمه ، عالمک احوالنه ؛ شو محاطی اولدینك کائناتک تخالف انواع واجناسنه امان نظره سوق ایتسونده سنده اولجه طویمادینك برعلوی حس اویاندیرسون ؛ اویله بر حس که بو عالم شهوده بر قاج کونلک حیاتیکی تهدید ایتکده اولان عارضات طبیعیه قارشیی صغینه جق ، بارینه جق بر التجا کاه اولمادینغی سکا رأی العین کوستریور . اویله بر حس که باصره وجدانی بو خاکدانه کی اشیای کشفک مغفل ظواهرندن چویریورده قبلکک اوزرنده ییغینه رقاونی ، ماهیته اطلاع سوداسیله چارینوب طور دینی ، بر سر کزینه محرمیتدن منع ایدن پرده لری یرت ، دینه سکا حایقیریور . اویله سماوی بر حس که اصلا بوجبت حیوانیه طبیعتده دکلده عالم موجودیتی عظمت اقسامیه برابر سکا اوفاجق کوستریور ؛ شوملکوت ارضی بی فسحت ابعادینه رغما نظریکه محقر بر صورتده عرض ایدیور ؛ اونک مهالکنی ، خطراتی اویله آجیق بر طرزده آکلاتیور که آرتق بورادن قاچهیه بر چاره آریورسک ، صغینه جق بر مأوی تحریسنه قالدیشیورسک .

علمک اوبویوک نامه قسم ایدرم که خالق حکیم نوع بشره مرحمت ایتسه ایدی ده غوائل معیشت دنیلن قیود کندیلرینی بو حسک سوقه قالمقدن آلیقویماسهیدی انسانلر دنیایی اعمار ایتکدن واز کچرک بادیه لره چیقارلر ، هر طرفدن محاط اولدقلری بو خطرک لندن سینه چاک اولورلر ، عرش خدایه طوغری رفع ندای ابتهال ایدرلر ایدی .

ماده سمسارلرینی بر طرفه براتی ؛ اونلرک ترویج اباطیل ایچون ایلری سوردکلری او ظاهری پارلاق سوزلری دیکلمه . شو قیمتی حیاتک بر آنتی ده کندیکه ، کندیکه دوشونمیه حصر ایت . سینه کده ضربان ایدوب طوران شو قلبه بردانیش . اونک جولانکاه اولدینغی احتیاساتی کندیسندن بر صور ، صوکره کل بکا سویله که او احتیاسات سنی نرمه قدر کورتوریور ؛ سنک اوقلب حیرت زده کک خفقانی ، خلجانی بو عنصر خاکینک هانکی نقطه سنده سکون بولیور ؛ دهاصوکره بکا خبر ویرکه بوکره ایل اوزرنده کی اشیا ؛ سینه سنده بارلایان ثریالریله سماحقنده نه حکم ویریورسک ؛ منصبلری ، اقباللری ، عنوانلری ، ثروتلری ، بونلرک دبدبه سنی ، آرایشنی نصل بولیورسک ؛ هپسی ده نظرکده محو وانعدامه میال کورونمیورمی ؛ بوکون نصلسه عینله یارینده حرمان وابتلادن ، شدائد ومصائبدن ، آلام واسقامدن ، اوهام وخیالاتدن باشقه برشی تولید ایتیه جکلر ، دکل ؛ مشاهده دن صکره برهان ، تجربه نك فوقنده عرفان اوله بیلیرمی ؛ سندن اول کلوب کچنلرک ایچنده اویله لرینی کوردک که سیبطتک ، اقبالک اوج بالاترینه یوکسلمش ؛ خلق عرش

اوکنده ایکی صدا یوکسیلوردی ؛ بری وجدان ملنک - سکوت مجبوری لباس عجز و ماتمنه بورون - این لوم و تلغینی ، دیکری ده مهران افدینک یاخود جودت بکک لندن یازی ماصه کزه دوشن بر قاج مجیدیه نك ظنین سیمینی ایدی .

شمس الدین بک سفارت عثمانیه ایل اوروپاده کزدیکی زمانلر هر بولندینغی پایتخت اجنیده خاندان سلطت اعضاسی کندیسنک وقار ذاتنه - حضور مهینده ایچکی ایچمیه جک درجه لده - حرمت کوستریورلردی . سزایسه بر رسالهیه بر تیاترو یازمق ایچون ارانه ایدیلن نقد قلیل قارشیسنده مست لایمقله نفعت کسپله رک صدای بیوشانه تعرضکزی اوسفیرک یالکز حضورینه دکل ، حرمکاه بیتته قدر ادخال ایدیورسک زده اعضای مخدرة خاندانی صحنه تهزیه چیقاریورسکز . دوشونمیورسکز که بر مسلمانک عائله سنی اونک وجدانی دیمکدر ، وجدانی کی مصون ، وجدانی کی مستوردر .

غریبه خاندان سلطت پرورده لرینک مظهر تعظیمی اولان رجال سیاست شرقده عالم ادبیاتک آحاد ناسی اطلاقه شایان اولان محررلرک آماج تعرضاتی اولق شرفیذر ادراکی اولدینغمز بو عید حریتک تظاهرات سروریمیدر ؛ ! اگر بویله اینسه بن بوکا حریت بایرامی دکل ، رذالت قارناوالی دیرم .

صفوت نزیهی بک افندی ، قلمکزه رسمی کتاب قارئلرینی کولدیرمکه دکل ، مقتدرسه کز شوکونلرده ملنک طالع ابد کریانی خندان ایتکه چالیشکیز ...

مدت جمال

هدیه فکر

انسان و ایمان

شومادی بدن کندیسینی محیط اولان مؤثرات طبیعیه نك هجومندن مصون قاله بیلیمک ، هر طرفدن محصور اولدینغی عارضه لری اندیشه دن قورتولمق ایچون بر بارینه جق یره نه قدر محتاج ایه ؛ احتیاسات معنویه ، تمایلات قلبیه ده فطرة کندیسنده مرکوز بولن انفعالاته محکومیتدن آسوده قالمق ایچون بر پناهه ، بردارالامانه اوقدر محتاجدر . انسان حیوان کی دکلدرکه یمک ، ایچمک کی جسمانی حوائجی قضا ایل اکتفا ایتسونده آرتق قدرک یارین ، او برکون کندیسینی نرمیه ، نه حاله سوق ایده جکنه قارشیی لاقید بولنسون . هیات ! انسانک اویله روحانی مطالبی واردرکه اونلره اولان تحسری مادی مطالبی استحصال ایده مدیکی زمان طویه جنی تأثرندن هیچ اشاغی قالماز . حتی افراد بشرک تکمیل ایتش اولانلرنده حس وادراک اوقدر انجلیورکه روحلرینک آمالنی ، هانکی صفندن اولورسه اولسون ،